

Ilisimatusarfimi Prorektori

Ilisimatusarfimmi prorektorit atorfik septembarip aallaqqaataani 2026-mi isumaqatigiissuteqarnikkulluunniit inuttassarsiuunneqarpoq.

Ilisimatusarfik Kalaallit Nunaanni issittumilu ilisimatusarfiuvoq, nunatsinnut issittumullu iluaqutaasussanik ilisimasanik, ilinniakkanik aamma ilisimatusarnermik ineriartortitsinerimi qitiulluni. Ilisimatusarfik najukkami takussaavoq, inuiaqatigiit, oqartussat, suliffeqarfiit innuttaasullu qanimut suleqatigai, nunamilu avataaniillu attaveqaatit Ilisimatusarfiup ingerlanneqarneranut pingaarutilittut illutik.

Ilisimatusarfiup iliuusissatut pilersaarutaa nutaaq aallaavigalugu ineriartortitsilluartoqaleruttorpoq. Iliuusissatut pilersaarummi anguniakkat naleqartitallu ilisimatusarfiup iluani suleqatigiilluni erseqqissumik piviusunngortikkiartuaarneranik ukiuni tullerni ingerlatsisoqassaaq. Tamannalu ilaatigut ilinniakkanik ineriartortitseqqinnermik, digitalinngorsaarnermik ilinniakkanillu eqaallisakkamik neqerooruteqartarnissamik imaqqassapput, taamaalilluni ilinniarnissaaq nunatsinni tamarmi periarfissaalissalluni, saniatigut ilisimatusartoqatigiit avatangiisaannik nukittorsaanerit, Ilimmarfiullu allilerneqarluni sanaartortoqarnissaa pissalluni.

Ilisimatusarneq Ilisimatusarfiup inuiaqatigiinnut suliassaani qitiuvoq. Ilisimatusarfiup ilisimatusarnerup pitsanngortinnissaa anguniarlugu suliaqarpoq aamma Kalaallit Nunaanni nunanilu tamalaani ilinniarfiit saniatigullu nunap inoqqaavisa ilinniarfii qaffasinnerusut suleqatiginerisa ineriartortinnissaat suliassaani qitiupputtaa. 1945-p kingorna Danmarkip aamma Kalaallit Nunaata akornanni oqaluttuarisaanermi pisimasut pillugit qulaajaaneq ilisimatuussutsikkut tunngaveqarluartumik Ilisimatusarfimmit ingerlanneqarportaaq.

Prorektorip suliassai

Rectori, prorektori ilisimatusarfiullu pisortaa Ilisimatusarfiup qullersarai, institutinilu aqutsisut suleqatigalugit sinaakkutillu tunngavigalugit ulluinnarni aqutsinerit Ilisimatusarfimmi ingerlappaat.

Ilisimatusarfiup ineriartortsinnissaanut rektorip suliaqaqqinnissaanut Prorektorip tapertaaffigissavaa, iliuusissatut pilersaarutip piviusunngortinneqarnissaanut, ilinniarfiit ilisimatusarnerillu ineriartortinnissaanut immikkut ittumik akisussaaffeqarpoq, soorluttaaq ilisimatusarfiup Kalaallit Nunaanni nunanilu allani suleqatigiinnerit nukittorsarnissaanut akisussaasuullutik.

Rektorip siunnersuisoqatigiinnik ataatsimiititalianillu pilersitsinerimi sullissinermilu suliaqarnerani prorektorip ikiussavaa, taamaasilluni ilinniartitsineq ilisimatusarnerlu, suleqatigisat suliffimmilu avatangiisini pissutsit taakkuninngalu ineriartortitsinerit aamma nalilersuinerit ingerlaavartumik isumagineqassapput.

Immikkullu ittumik aaqqissuussaannikkut ataqatigiissaarinissanik Prorektori akisussaaffilerneqassaaq, oqaluttuarisaanermilu pisimasut pillugit qulaajaanerp ilisimatuussutsikkut tunngaveqarluarnissaanut Ilisimatusarfimmi suliaqarnermik prorektori immikkut isumaginnittuussaaq.

Rektorip qanimut isumaqatigiissutigineqarfigineratigut ulluinnarni aqutsinermut atatillugu rektorip prorektorillu suliassaat agguataarneqassapput - aamma piffissap suliffiusup ilaa ilisimatusarnermut atorneqarnissaa isumaqatigiissutigineqarsinnaavoq.

Prorektori rektorimut sinniisuusartussaavoq rektorillu sulinnginnerani/pisinnaannginnerani suliassaanik piginnaatitaanerani tigusisartussaalluni.

Piginnaasassat

- Qinnuteqartoq Ilisimatusarfik pillugu Inatsisartut inatsisaat malillugu ph.d.-tut assingusumilluunniit misilittagaqassaaq ilinniagaqarsimanissaalu piumasaqaataavoq.
- Qinnuteqartoq Kalaallit Nunaanni pissutsit pillugit aamma ilinniartitaaneq pillugu

ilisimasaqassaaq.

- Qinnuteqartoq pilersaarusiornermik tunaartaqarluni aqutsinermi minnerpaamik ukiuni marlunni misilittagaqassaaq, imaluunniit ilinniartitaanerup iluani aqutsisutut misilittagaqarluni.
- Qinnuteqartoq aqutsinermik ilisimatusarnermik ilinniartitaanermillu suliaasaqarfimmi misilittagaqassaaq.
- Qinnuteqartoq Ilisimatusarfiup ingerlanneqarneranut misilittagaqassaaq, Ilisimatusarfiullu inuiaqatigiinnut suliaasaqarfii suleqatigiinnerilu ilisimassavai.

Qinnuteqartup aamma ukua piginnaasarissagai pingaartinneqarpoq:

- Misissuilluarsinnaassuseqarneq, ingerlatsinermut misilittagaqarluarneq, ingerlatsinermullu pilersaarusiornermut tunngasunut piginnaasaqarneq.
- Ilisimatusarnermut ilisimatusarfinnilu ilinniartitsinermut misilittagaqarnermut uppersaateqarneq.
- Allaffissornermi ilisimatusarnerullu iluani suliaassat ingerlallugit ataqatigiissarlugillu.
- Ilisimatusarfiup suliaasaqarfiisa iluani arlalinniluunniit ilisimatusarnermi pitsaalluinnartumik misilittagaqarneq.
- Suleqatigiinnermik attaveqatigiinnermilu piginnaasaqarluarnissaq, illup iluani avataanilu suleqatigiinnermik pilersitsisinnaaneq.
- kalaallisut qallunaatut, tuluttullu oqalussinnaaneq.
- Nunanut allanut eqqummaarilluni malinnaasoq, nunatsinnilu avataanilu suleqateqarnermik misilittagaqarneq.

Attavigisassat/ paasisutissat:

Atorfik pillugu sukumiinerusunik paasisaqarusukkuit rektori Mari Kleist, attaviginissaanut tikilluaqusaavutit oqarasuaammut uunga +299 34 73 04 / 282021. Ilisimatusarfik pillugu paasisaqarnerorusukkuit uani paasisaqarnerusinnaavutit www.uni.gl

Atorfinitsisinermi ingerlatseriaaseq

Rektori ataatsimiititaliamik siunnersuisussamik pilersitsissaaq, qinnuteqartut pillugit ilisimatinneqartartussamik, siunnersuisullu qinnuteqartut akornanni atorfinitsisinissamut oqaluunneqarnissaminnut aggersagassatut piukkussatik naliliivigissavaat.

Piukkunnaatillit rektorip siulersuisunut innersuutigissavai, taakkualu atorfinitsitsineq pillugu aalajangiisuussapput.

Ilisimatusarfik pillugu

Ilisimatusarfik 1987-imi pilersinneqarpoq. Maannakuugallartoq ilinniarneqarsinnaasut assigiinngitsut 13-upput, taamatuttaaq Ilisimatusarfiup neqeroorutigai diplom-imut masterimullu saniatigut ilinniarnert. Ilisimatusarfik issittumi universitetiuvoq nunarsuup ilaani pilertortumik ineriartorfiusumi nutaanik ilisimasaqalerfiusoq nutaalliorfiusorlu. Siulersuisut tassaapput Ilisimatusarfiup qullersai. Ulluinnarni aqutsineq rektorimit direktørimillu ingerlanneqarpoq. Instituttis sisamaasut Instituttini Siunnersuisoqatigiinnit siunnersorneqartumik siulersorneqarput.

Ilisimatusarfik sisamanik instituteqarpoq:

- Ilinniartitsinermik Ilisimatusarfik
- Inuiaqatigiilerinermik, Aningaasaqarnermik Tusagassiornermillu Ilisimatusarfik
- Kulturimik, Oqaatsinik Oqaluttuarisaanermillu Ilisimatusarfik
- Peqqissaanermik Pinngortitamillu Ilisimatusarfik

Allaffissornikkut aqutsisoqatigiiffik pillugu

Allaffissornikkut aqutsisoqatigiiffiup ilisimatusarfik tamakkerlugu sullitaraa. Ilisimatusarfiup direktørianit aqunneqarpoq. Allaffissornikkut aqutsisoqatigiiffik Ilimmarfimmi immikkoortortaqarpoq. Immikkoortortat ilinniartitsivinni ingerlatsiviusunik qanimut suleqateqartarput soorlu namminneq akunnerminni aamma suleqatigiittartut. Allaffissornikkut aqutsisoqatigiiffimmi suliaassat tassaapput: ilinniartut pillugit-, sulisut

pillugit allaffissornikkut aqutsineq, Siulersuisunik, Akademisk Rådimik kiisalu ilimmarfimmi sulisunik ilinniartunillu sullissineq. Allaffissornikkut aqutsisoqatigiiffiup Ilimmarfiup illutaanik sanaartornermik nakkutiginninneq aamma ingerlataraa.

Akissarsiatigut atorfinitsitaanermilu atugassarititaasut

Atorfik ukiuni pingasuni piffissalersugaasumik inuttalerneqassaaq. Atorfik akissaateqarfimmi LR 38-mi maanna inissisimavoq. 1. april 2026 LR 38-mi tunngaviusumik akissarsiaq tapiillu aalajangersimasut, soraarnerusutissianullu illuartittagaq ilanngullu, sivilissusilimmik atorfinitsitsinermut tapeq ilanngullugu antterussuseqarput qaamammut Kr. 78.594 ukiumullu Kr. 943.128

Aallaavittut isumaqatigiissutini atugassarititaasut naapertorlugit atorfinitsitsisoqassaaq, qinnuteqartoq tjenestemanditut atorfeqareersimaguni Nunatsinni pisortani tjenestemandit pillugit inatsisit malillugit tjenestemandinut atugassarititaasut naapertorlugit atorfinitsinneqarsinnaavoq.

Piffissap suliffiusussap sivilissusissaa aallaavittut sapaatip akunneranut nalunaaquttap akunnerinik 40-nik sivilissuseqarpoq. Atorfimmut atuuttoq tassaavoq, piffissap suliffiusussap qanoq sivilutiginnissaa killilersugaanngimmat, aammalu qaangiuttoornermi ajunngitsorsiassat akilerneqarnissaat ullullu sulinngiffissat annaaneqartut ajunngitsorsiassarsissutiginnissaat atorneqarsinnaanngillat.

Naalagaaffiup ataani atorfeqartut isumaqatigiissutaasimasut naapertorlugit aningaasarsiaqarnatik sulinngiffeqarnissamut periarfissinneqarnikuupput, tjenestemanditut isumaqatigiissulluunniit naapertorlugu atorfeqaruni assersuutigalugu kattuffiup AC-ip isumaqatigiissutiginnissutaa kiisalu DJØF-ip Finansministeriallu akornanni isumaqatigiissut naapertorlugu. Qallunaat nunaanni nunap iluani pissutsinut ministereqarfiusup innersuussutigivaa Kalaallit Nunaanni Namminersorlutik Oqartussat ataanni atorfinikkumallutik qinnuteqartut sapinngisamik akimmisaarfigineqassanngitsut akissarsiaqarnatik sulinngiffeqarniarlutik qinnueqarpata, sulinngiffeqarnissamut isumaqatigiissutit qinnuteqartup inooqataanuttaaq assingusumik atuutsinneqarput. Akissarsianut atorfeqartitaanermullu tunngasutigut piumasaqaatit, taakkununga ilanngullugit atorfinikkiartorluni soraarlunilu angalanermut aamma pequtit nassiunneqarnerinut akiliunneqarsinnaatitaaneq, Namminersorlutik Oqartussat aamma pineqartup kattuffiata isumaqatigiinniarsinnaatitaasup akornanni isumaqatigiissutit piffissami atorfiniffiusumi atuuttut naapertorlugit pissapput.

Atorfik suliffissaq Nuummiippoq.

Najugaq

Atorfimmut atatillugu inissiamik innersuussisoqanngilaq. Qinnuteqartoq Namminersorlutik Oqartussani atorfeqarnini aqqutigalugu sulisutut ineqareersimaguni sulisutut inissiamik innersuussivigineqarnissamut pisinnaatitaaffia attatiinnarneqassaaq. Sulisutut inigisaq atorfeqarnermut tunngavoq, atorfeqarnerullu uninnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaasatit kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkat. *E-mail-ikkut qinnuteqaatinik tigusineq ajorpugut.*